

слезно в сердце моляше святого и призываа его на помощь. И по семь нача исповѣдати грѣхы своя ко гробу зря святого. Людие же от страха, видѣвше чудеса, отидоша. Епископ же // (л. 110 об.) сего повелѣ те пустити. И яко бысть год литургии, начаша пѣти все по ряду. Оному ж грѣхы своя от роженна вся по ряду сказавшу. И нача молитися: «Отче святой, помилуй мя грѣшнаго. Вѣмъ, милостиве, яко не прѣзрит бог твоя святыхъ молитвы. И прости моя съгрешения, дерзнувшю таковая сътворити у твоеа святыхъ ракъ. Помилуй мя, астырю и учителю нашъ, великий господине Леонтие». Сие ему мыслию глаголющю и ина болша сихъ. И егда нача диакон чести святое еванглие, прииде ему глас глаголющъ: «Человѣче, оставляют ти ся грѣси твои». И вста здрав, и поклонися цѣлбоносному гробу богоноснаго отца нашего Леонтия. Вся ж людие прославиша милосердаго бога и пречистую его мать, даровавшю таковую благодать граду Ро // (л. 111) стову. Тѣмъ же и мы, братие, муж и и жены, унии и старии, истинное рождение винограда Христова, не ленимся свѣршати заповѣди господнихъ, яже рече святыми апостолы. Здѣ бо апостоли не были, но учения ихъ пророкоша конца, яко же рече Давидъ: «В всю землю изидоша вѣщания их и в конца вселеныя глаголи их». Да дѣлатель и пастух и страж нашъ възвеселится о нас пред господемъ богом, глагола: «Се аз и дети моя, яже ми еси предал господи». Тѣмъ, братие, не ленитесь почтити праздника сего, и похвалите своего учителя, сие глаголюще: «Радуйся свѣтозарная звѣзда, омраченныя просвѣтивши и мѣглу грѣховную отгнавши идольскыя лъсти, и просвѣтивъ святымъ крещениемъ и омыв банею святого духа, и научи вѣровати в святую троицю // (л. 111 об.) отца, и сына, и святого духа. Радуйся, ревнителю святыхъ апостол, искоренителю бесовскыя лъсти. Хвалить бо Римская земля Петра и Павла, Греческая земля — Костянтина царя, Киевская земля Володимира князя, Ростовская же земля вся тебе, святителю великий Леонтие, ублажает, створшаго дѣло равно апостолом. Радуйся, яко укрѣпилься еси надеждею вѣчныхъ благ, с прежними почиваа святители, послѣдова бо учению их, и нраву, и всему правилу великого Златоустаго, не стыдно прѣдася за вѣру. Помоли же ся Христу богу нашему, ему же прѣдстоиши за правовѣрныя и христоролюбивыя князи наш и и за вся люди твоя, и намъ испроси милость от бога, и отпущение грѣхов, славящим святую // (л. 112) троицю отца, и сына и святого духа. Господи Исусе Христе, боже нашъ, молитвами пречистыхъ ти матери и преподобнаго отца нашего Леонтия, иже в святыхъ, великаго угодника твоего и всѣхъ святыхъ твоихъ, помилуй нас и спаси душа наша. Аминь».

В той ж день слово и поучение на память отца нашего Леонтия, епископа ростовскаго и чудотворца.

Паки съзывает нас, христоролюбци, свѣтлое праведнаго отца нашего Леонтия в великий сей духовный и всесвященный храм пречистыхъ боготатере, владычице нашея и приснодевы Марии. Паки привлечь себе молебныи и всепразднественныи праздник христоролюбива множества. Паки ликоствуютъ церкви, паки прелесть упражняется, паки смущаются бѣси, паки диавол // (л. 112 об.) посрамляется, паки нечестие въздражаются. Небо намъ днесь церковь Леонтие показа небесе видимаго всякаго крестнѣшю. И толико елико духовнаа от телесныхъ суть всечестнѣйши. Небо солнцю чувственному подлежить, но в незаходимое солнце Христа одѣся, не звѣзды лестниа намъ предлагая, ни ж луну растущую и малѣющую, но благодать неоскудну подающую, ни ж облакъ дождеродныа, нѣ учителя богословца, ни землю жестокою, но душевну врачевати могущихъ, нѣ от моря опочерпают, но божественныхъ источникъ воды источникъ исцелений показывает, не птичиа гласования, но аггельскыа гласы богославѣствуютъ днесь. Лѣно убо благодати и истиннѣ на новыа люди воснати.